



DEAL
ERA.
V.



H. XIII. 13

Lisen
Noro Sachu
937/2





Henrici Nicolai

1. Theologia Epitome.
2. Exercitatio de Methodo Trinitatis.
3. Exerc. de Medio Religioso et Theologico.
4. Ex. de Conciliatione Eucharistiarum.
5. Miscellanea Theologica.
6. Ex. de non liquendo.
7. Henricum defensionem et explicationem.
8. Henricum defensionem et explicationem continuatam.
9. Exercitatio de Athesuro Ethere.
10. Exerc. de Symbolo Athanasii.
11. *Lehrbegriff der Ökonomie im heiligen Salomo W. 4.*
12. Tractatus de Pace, Editio Secunda.
13. Protestatio super nova Editione Tractatus de Pace.
14. Georgii Rhetorici Viduae Re protestatio antecedenti Protestationi opposita.
15. Protestatio defensa.
16. Oratio de Philosophico Studio cum Theologia coniungendo, praemisso Programmate.
17. Cursus Philosophicus.
18. Exercitatio de Subiecto et Adjuncto.
19. Exerc. de quatuor diana Telluris Revolutione.
20. Ex. de Apologia Veritate, libaque apud Christianos ratione.
21. Tr. de Novis praedicandi.
22. Tr. de Comparativarum Eucharistiarum expositione.
23. Rotgeri cum Bergen des Laura Ancus sine Epistolum ad Henricum Nicolai.
24. Gottfr. Lameli Hymenaei Tumulus.

2. b. Rotgeri cum Bergen Epistolum ad Henricum Nicolai.

Soll. 14

D. O. M. A.

PROTESTATIO

Super novâ editione Tractatus

de

PANE

Hoc anno 1651. Gedani
apparatâ,

Necessariis de causis ab Authore Tractatus.

HENRICO NICOLAI,

S. Theol. & Philos. apud Elbin-
geneses Prof. Publ. honorario,
Facta.

ELBINGÆ.

Typis ACHATII CORELLII.

Anno à partu Virginis Matris,
M. DC. LI.

173





LECTORI Christiano & eru-
dito S. & Pacem.

Multa homini in vitâ eveniunt, *Lector Erudite*
quæ nolit. Experimenta adducere lumen.
Soli inferre, futurum sit. Protestatio hæc
præsens nolenti mihi extorta, pro exemplo
esse possit. Editus est hoc anno Gedani apud
Viduam Rhetianam *Tractatus meus de Pane* olim anno 1641
mihi scriptus editusq; . Principium editionis mihi igno-
tum fuit, minùs approbatum. Habeo apud me exem-
plar à capite ad calcem revisum, auctum, in multis mu-
tatum. Ex eo me sciente edi debuit, siquid Orbi inferri
debeuit. Non fui eo tempore Gedani præsens, quo edi-
ceptus *Tractatus*. Me ignaro & non assentiente de meis
Scriptis aliquid edi non debuit, nisi furtivo ausu proce-
dere placuerit. Paulò post tamen Gedanum redii. Secu-
tùm, ut audiî, & duerniones jam parati fuerunt. Pessi-
mè factum me habuit, me vivente, ignaro, non assentien-
te, imò scripta mea recensente, corrigente, ac editionem
propriam integro Tomo meditante, multa in illis mu-
tante, addente, avaros Typographos lucro inhiantes, in
ea involare, pro suis me inscio usurpare, publicoq; obtru-
dere. Quædam rescare de labore meo, alia omittere
revisa insuper habere, sicq; prostituta pro meis Orbi com-
mendare. Nequaquam committendum tale ratus, publi-
cè hic


est hic apud Te, *Lector Erudite*, protestari necessum duxi. 11
me istam editionem, prout modò extat, & non emenda- 12
tur, pro meo labore non agnoscere, sed adulterinam judi- 13
care. *Statim in fronte Tractatus Dedicatio Deo Opt. Max.* 14
fonticis de causis tùm temporis à me facta, sacrilego ausu 15
prorsus resecta est. In locum ejus carmen suffectum, 16
Viri mihi amicissimi, sed qui certò nolit, Dei nomen ob id 17
loco pulsum. Satis spatii pro carmine in sequente pagellâ, 18
quam vacuam video, fuisset. *Index rerum* magno labo- 19
re à me operi paratus & præmissus, in totum omissus est. 20
Pro quo alium suæ editioni aptatum ignavi fuci parare, 21
debuissent. *Primi 6. duerniones* nihil de revisâ meâ cor- 22
rectione habent. *In ipsis primis thesib. varia* mihi aucta, 23
correcta, addita. Nihil eorum in istâ editione observo. 24
Quæ ad calcem addita, suis quæq; locis ipsis thesibus in- 25
seri debuerunt, non ad finem Operi appendi. Id ipse in 26
propriâ editione, ubi sumptuariæ impensæ occasio mihi 27
futura est, curabo, & in hac, si principio adfuisssem, aut 28
de editione novisssem, procurasssem. Eo fine meum re- 29
visum exemplar communicavi, ut omnia ista, *etiam à prin-* 30
cipio Tractatus, adderentur. Nunc dimidiū fermè exempla- 31
ris foeda mutilatio mihi cum tœdio deprehenditur. His 32
similibusq; de Causis *istam Editionem pro meo Tractatu non* 33
agnosco, aliam paraturus, quamprimum editoris copia 34
subministrata fuerit. *Lectorem rogo*, ne ut meum laborem 35
emat, legat, aut habeat, quod clam me edi ceptum est. 36
Typographos universos, ubicunq; sunt, moneo, ne me vi- 37
vente & inscio, ac non consentiente, imò tacitè repugnan- 38
te, in scripta mea temerario ausu involent, prælo subji- 39
ciant, Orbi prostituant: Sed mecum eâ de re agant, & 40
sciente me de meo labore aliquid edant. Omnia mea 41
scripta.


scripta revidi, auxi, correxì, Tomisq; inclusa distinctè
litterato Orbi committere destinavi. Si editor adsit, in-
dicatus edendi materias accipiet, quas meas agnoscam.
Cœtera me aut nesciente, aut repugnante, nec à me
revisa, prælis subjecta, mea non agnosco, & si diversa
imò adversa, posthac scripturus sum, prout in hoc ipso
Tractatu de Pane fieri possit, dies namq; diem docet, tali-
bus editionibus contrarietatis me anquiri non patiar
nec curabo. Quà de re publicè hic. LECTOR erudi-
te, solenniterq; protestatum volo, & si de reliquo simile
quid me ignaro & invito occupetur, idem repetitum
volo. Non mea sunt, nec pro meis agnoscentur. Quæ
ipse relego, emendo, edi scio, jubeo, & ut ego revidi
edi video, mea sunt. Cœtera nomen habent: Inter mea
à me verè non numerantur. Quæ aliàs mendax fama, ut
audio, de me spargit, facilè refellam, si operæ pretium
visum sit. Hactenus enim risi; Et *σιωπῶν σοφῶν ἀπίστευτος*,
tutissimum visum. Mendaciorum facilis evanescentia
esse solet. Ut sparguntur, sic vanescunt. Si morà va-
lescere comperero, mihi & veritati non deero, quod
Alastores, qui mendaciorum architecti, experientur.
His pro hac vice DEO & Verbo gratiæ ejus, *Lector Optime*
commendatus Vale. & extortam protestationem non
sinistrè interpretare. Elbingæ. 8. Calend. Augusti.
Anno 1651.











Biblioteka Jagiellońska



stdr0019290

